

վասն անիրաւ պահանջմանց Յունաց , և թէ վասն հակա-
ռակութեան Լատինաց , և համաձայն մտաց նոցին՝ գրեաց
և ինքն Ստեփաննոս Պատրիարք 'ի Դուռն , և աշխատու-
թեամբ Գլխաւորաց ազգին՝ Վէզիրն մեծ՝ 'ի շնորհս ար-
տաքին գործոց պաշտօնէին՝ գրեաց առ Դատաւորն երու-
սաղէմի՝ չկործանել զչինուածս Հայոց՝ մինչեւ ելցէ հրո-
վարտակ , թէեւ Լատինք ասէ՝ առին հրովարտակ սակս
ուխտին իւրեանց յերուսաղէմ եւ 'ի լեառն Ձիթենեաց ,
սակայն զանազան մեկնութիւնս տուեալ այնմ , կամեցեալ
են քակել զսեփհահան տեղիս Հայոց՝ և ինքեանք շինել ,
եւ վասն այսր առեալ են պայմանաժամս ամիսս երիս 'ի
Փոխարքայէն Եգիպտոսի . եթէ ոչ ժամանեացէ 'ի միջոցիս
յայտակ հրովարտակ յՍ.քայէ՝ փոյթ կալցեն կատարել
զկամս ցանկութեան իւրեանց , Իսկ Պատրիարքն Հայոց՝
աստ 'ի մայրաքաղաքիս թախանձանօք խնդրեաց նոր հրո-
վարտակ 'ի հաստատութիւն առաջնոցն , և 'ի խափանումն
ընդ միշտ հակառակութեան Լատինաց , որպէս յայտ առնէ
Իլամն ձեր : Յարձանագիրս կայսերական Դիւանին թէպէտ
և գտանի տուեալ հրովարտակ Լատինաց , այլ ոչ նշմարի
'ի նմա կէտ ինչ սակս շինութեան տեղւոյն այնորիկ , այլ
անարգել կատարել զուխտս . և յակնարկելն մեր յաղեր-
սագիրն , ակներեւ տեսանի թէ խնդիրն առիթ է մեծի
զրկանաց Հայոց : Ուստի հարկ եղև համեմատել ընդ ար-
ձանագրութիւնս և զպարտու պատշաճն գործադրել , և
զօրինակ կայսերական հաւանութեան առ մեծութիւն ձեր
բացայայտ գրել : Ի հասանիլ գրոյս առ ձեզ՝ փութասջիք
խոհեմութեամբ զկարեւորն գործադրել , 'ի \9 Շէվվալ
ամսոյ՝ 1707 :

Ի հասանիլ այսր նամակի մեծի Վէզիրին յերուսաղէմ՝
Լատինք լուեցին առ վայր մի , այլ ոչ կացին յետս խորհե-
լոյ և նիւթելոյ զչարիս : Իսկ Յոյնք որ մինչեւ ցայս վայր
յայտնի և ծածուկ հակառակէին Հայոց , և մեծամեծ ջա-
նիւք վաստակէին 'ի դրուես մեծամեծաց , և երբեմն իւր-
րոխտանօք արհամարհէին զՀայս , թէ տամք եղծանեւ
զհրովարտակս ձեր , եւ կործանեմք զչինուածսն , յետ
կարգաւորելոյ զամենայն ինչ՝ բողոք բարձին 'ի Դուռն
Պատրիարքունք և ժողով Մետրապօլտաց նոցին՝ և ետուռ